



23 April 2015
23 April 2015
P.U. (A) 79

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH KAWALAN HARGA DAN ANTIPENCATUTAN (PENANDAAN CAJ PERKHIDMATAN BAGI HOTEL DAN RESTORAN) 2015

PRICE CONTROL AND ANTI-PROFITEERING (MARKING OF SERVICE CHARGE FOR HOTEL AND RESTAURANT) ORDER 2015



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KAWALAN HARGA DAN ANTIPENCATUTAN 2011

PERINTAH KAWALAN HARGA DAN ANTIPENCATUTAN
(PENANDAAN CAJ PERKHIDMATAN BAGI HOTEL DAN RESTORAN) 2015

PADA menjalankan kuasa yang diberikan oleh seksyen 10 Akta Kawalan Harga dan Antipencatutan 2011 [*Akta 723*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Kawalan Harga dan Antipencatutan (Penandaan Caj Perkhidmatan bagi Hotel dan Restoran) 2015**.

(2) Perintah ini mula berkuat kuasa pada 1 Mei 2015.

Tafsiran

2. Dalam Perintah ini—

“caj perkhidmatan”, berhubung dengan suatu hotel atau restoran, ertinya apa-apa fi atau amaun yang dicajkan ke atas pelanggan bagi perkhidmatan yang disediakan oleh pekerja hotel atau restoran itu sama ada dalam bentuk caj perkhidmatan, fi perkhidmatan, tip atau selainnya tidak kira bagaimana jua sekalipun diperihalkan;

“hotel” ertinya mana-mana premis, termasuk rumah inapan, rumah tumpangan, rumah rehat dan rumah penginapan yang menawarkan penginapan untuk disewa atau untuk apa-apa bentuk ganjaran yang lain, sama ada makanan atau minuman juga disediakan atau tidak;

“restoran” ertinya mana-mana premis di mana makanan atau minuman disediakan dan dihidang kepada pelanggan.

Penandaan caj perkhidmatan

3. (1) Mana-mana pemilik, pengurus atau pengendali sesuatu hotel atau restoran yang mengenakan caj perkhidmatan hendaklah menandakan caj perkhidmatan itu seperti yang berikut:

- (a) jika harga barangan atau caj bagi perkhidmatan yang ditentukan oleh pemilik, pengurus atau pengendali hotel atau restoran itu tertakluk kepada caj perkhidmatan, dengan menggunakan ungkapan “SEMUA HARGA ATAU CAJ TERTAKLUK KEPADA ____% CAJ PERKHIDMATAN”; atau
- (b) jika harga barangan atau caj bagi perkhidmatan yang ditentukan oleh pemilik, pengurus atau pengendali hotel atau restoran itu termasuk caj perkhidmatan, dengan menggunakan ungkapan “SEMUA HARGA ATAU CAJ TERMASUK ____% CAJ PERKHIDMATAN”.

(2) Pemilik, pengurus atau pengendali hotel atau restoran itu hendaklah memasukkan peratusan caj perkhidmatan yang dikenakan dalam ungkapan yang disebut dalam subsubperenggan (1)(a) atau (b), mengikut mana-mana yang berkenaan.

(3) Tanda yang menggunakan ungkapan yang disebut dalam subsubperenggan (1)(a) atau (b) hendaklah dipamerkan di pintu masuk hotel atau restoran, atau di mana-mana tempat lain yang mudah dilihat di hotel atau restoran itu.

(4) Ungkapan yang disebut dalam subsubperenggan (1)(a) atau (b) hendaklah—

- (a) dalam bahasa kebangsaan atau dalam bahasa kebangsaan yang diikuti dengan terjemahan ungkapan itu dalam mana-mana bahasa lain; dan